

Na osnovu člana 9. Zakona o kantonalnim ministarstvima i drugim tijelima kantonalne uprave ("Službene novine HNK-a" broj. 8/98.), a u vezi člana 73. Zakona o osnovnom odgoju i obrazovanju HNK-a ("Službene novine HNK-a", broj: 5/00., 4/04., 5/04., 1/14.), i člana 86. Zakona o srednjoškolskom odgoju i obrazovanju HNK-a ("Službene novine HNK-a", broj: 8/00., 4/04., 5/04., 8/06.), Ministarstvo obrazovanja, nauke, kulture i sporta HNK-a donosi:

P R A V I L N I K
o priznanjima za učenike generacije
osnovnih i srednjih škola s područja HNK-a

I. OPĆE ODREDBE

Član 1.

(Predmet Pravilnika)

- (1) Ovim Pravilnikom Ministarstvo obrazovanja, nauke, kulture i sporta HNK-a (u daljem tekstu: Ministarstvo) utvrđuje način za dodjeljivanje priznanja, kao i vrste priznanja koja se dodjeljuju učenicima generacije osnovnih i srednjih škola s područja kantona, i druga pitanja vezana za navedeno.
- (2) Izrazi koji se koriste u ovom Pravilniku, a koji imaju rodno značenje, bez obzira na to jesu li korišteni u muškom ili ženskom obliku, obuhvataju na jednak način muški i ženski rod.

II. NAČINI DODJELJIVANJA I PRAVA UČENIKA GENERACIJE

Član 2.

(Način i cilj dodjeljivanja priznanja)

- (1) Učeniku koji je u toku školovanja imao odličan uspjeh i primjerno vladanje u svim razredima, Nastavničko vijeće škole dodjeljuje posebno priznanje: učenik generacije.
- (2) Izbor učenika generacije se vrši prema Pravilniku o izboru učenika generacije ili općim aktom škole.
- (3) Škole će nakon obavljene procedure izbora učenika generacije Ministarstvu dostaviti podatke o izabranim učenicima.

- (4) Nakon prikupljenih podataka Ministarstvo će odrediti vrstu priznanja, način, mjesto i vrijeme dodjele istog, te o navedenom blagovremeno obavijestiti škole.
- (5) Priznanje dodjeljuje Ministar ili osoba koju on ovlasti.
- (6) Priznanja se dodjeljuju nakon završetka nastavne godine.
- (7) Cilj dodjeljivanja priznanja jeste vaspitno djelovanje na učenike, isticanje pozitivnog primjera, te podsticanje učenika na što bolje učenje i vladanje.

Član 3.

(Vrste priznanja)

Priznanja mogu biti u obliku posebnih diploma, uvjerenja ili knjiga, a u izuzetnim slučajevima i u novčanim iznosima.

Član 4.

(Donatori i sponzori)

Priznanja učenicima generacije mogu dodjeljivati i sponzori, odnosno donatori na osnovu kriterija koje propišu svojim aktima.

Član 5.

(Prava učenika generacije)

Učenici generacije, nosioci priznanja Ministarstva, mogu da ostvare sljedeća prava:

- učenici generacije osnovnih škola imaju pravo prvenstva upisa u srednje škole na području kantona,
- učenici generacije srednjih škola imaju pravo prvenstva prilikom dodjeljivanja stipendija i upisa na visokoškolske ustanove na području kantona.

Član 6.

(Dodjeljivanje priznanja)

- (1) Priznanja se, u pravilu, javno saopštavaju i uručuju svim učenicima generacije prilikom ceremonije svečane dodjele istih.
- (2) Izuzetno, u slučaju opravdanih i nepredviđenih okolnosti, priznanja se mogu poslati putem pošte na adresu škole iz koje dolazi učenik generacije.

III. ZAVRŠNE ODREDBE

Član 7.

(Stupanje na snagu Pravilnika)

Ovaj Pravilnik stupa na snagu narednog dana od dana objave u Službenim novinama HNK-a.

Broj: 05-01-02-1712/16

Dana: 15. 06. 2016. godine

MINISTAR:

dr.sc. Rašid Hadžović